




Salhoutonou Kruse Nagaland maipui rong ga Rai kachang bo thiujiu Cabinet bam dou lu mideh

page 2

Imnainla Jamir H.E.R. gu award dao lu ye, Pادمي Shri Darkha Duth khu gasu


page 2



Zengtung 9 Kanahiu 2023, Kajannai - Office Gaililong, Tamei. PO-Tamei, Tml. Dist. Manipur Vol.II. Issue 10 page 1

“Aliu niu ngam ne, Naikhat ra”

Neiphiu Rio paluan 5th Nagaland gu chief Minister phungmideh Nagaland, Kanah: 6:



Machanai Capital Cultural Hall, Kohima ga Neiphiu Rio niu palon 5th thiujiu Chief minister bamlura leng Prime Minister Narendra Modi, Union Home Minister Amit Shah, BJP gu National President J P Nadda khat di katheng kadi mai mathiu masuang ga lamchap thiukhai mideh.

Governor L Ganesan niu Tienthinpou thiujiu tadkiu khaimideh. Siga TR Zeliang Khatdi Y Patton niu Nagaland gu Deputy chief Ministers bam lura, G Kaito Aye, Jacob Zhimomi, KG Kenye, p Paiwang Kongyak, Metsubo Jamir, Tenjen Imna Along, Cl John, Salhoutonou Krus, p Bashangmongba Chang paliu niu di Council of Ministers thiura leng lamchap thiulu mideh.

Nagaland ga CM kam matheng thu mibo Neiphiu Rio hai opposition kaha bo Government thiujiu thinkiu suneh. Karai masuang 2015 gadi congress niu DAN-III ga joujiu Opposition kaha bo government taliukhaimibo-e, sibosai Sept 2021 gadi NPF niu People’s Democratic Alliance(PDA) Government ga joungut jiu opposition kahabo government bamkhaimibo we

MGNREGS gu fund rangkang rk.406.49 Cr state niu pipad mideh

IMPHAL, Kanah 6:

Yaoshang gu changee si bam bo khatdi Financial Year haisi di loiwangmibo jengniu State Government niu Rk.406.49 Cr hai MGNREGS gu chaphii ziang zanra pipad mideh. Ministry of Rural Development khatdi Panchayati Raj niu Manipur state leng tadmibo takum Kaphihui ga rk.756 Crore si sanctioned kamkhai mibo ye. haibo rangkang si pahangjiu 2021-2022 pimira khatdi changam kasan 2022-2023 ga thinsu mirabo guwe.

chiudi State government gu rangkang npui pajai wimakbo jengniu palang/pakhak thiujiu rk.100 crores gasu rk.150 crores thiujiu pipad khaimibo-e. Thainai min rk 406.49Cr pipad mibo seh rk 756 cr sanctioned kamkhai bo gu si pipad kam mibo-e.

State Government niu rk 406.49 cr pipadbo se Bishnupur leng rk.31.35cr, chandel leng rk.9.76cr Churachandpur rk53.10cr. Imphal East leng rk 67.20 cr Imphal West leng rk 38.36 cr Jiribam leng rk 12cr Kakching leng rk 19.27cr kangpokpi leng rk 22.83cr Kamjong leng rk 11.30cr Noney leng rk 11.36cr Pherzwal leng rk 6.55cr Senapati leng rk 34.18cr Tamenglong leng 11.20cr Tengnoupal leng rk 27.04cr Thoubal leng rk 25.56cr khatdi Ukhrul leng rk 25.38cr.

Congrad Sangma malon 2nd thiujiu Meghalaya gu CM phungmideh

Shillong, kanah 7:

Congrad Sangma niu Meghalaya gu 13th CM bamlura Raj Bhavan shillong ga pagu cabinet ministers dungtu majang lujiu Meghalaya Democratic Alliance(MDA) 2.0 government taliura lamchap thiukhai mide.



Karai ga sanction kam khaimibo si thin mak jengniu Ministry of Rural Development khatdi Panchayati Raj niu MGNREGS leng chapot mania gu funds si pipad makjiu bam bo we.

State government niu Tasen chalan lam chariubam tadi sanctioned kamkhaimibo rk 756 cr si financial year lungga janpad mira pikhaibo jengniu rk 406.48cr si pipad khaimibo we ,khatdi chapot mania sidi financial year lung ga dounang lura leng niu e.Chapot mania gu funds rk350crores gasu rk 400crores kumbo se haibo chahiu lunga sanctioned kamkhai misuneh chiuwe

Prestone Tynsong nai Sniawbhalang Dhar niu Deputy chief Ministers bam lura khatdi maipui mai khangkhat cabinet Minister doubu Ampareen Lyngdoh siga su council of Ministers 12 joujiu oath taking kamkhai mideh.

India, Myanmar ga minkhai bambo Naga political Leaders dungtu phutkhaira NSCN(I-M) niu kheng ye

Dimapur, kanah 7:

National Socialist Council of Nagaland(NSCN) niu NPPoW (naga Political Prisoners of war) dungtu phutpad mira India nai Myanmar government khuga khengkhai mi neh.India ,Nagalim, Myanmar kak kiga political conflicts padwangmibo haiseh tingkum 70 pasan mideh Aliu Naga mai nai British mai kak ga nda British mainiu mawangbam ga su sui kakhaibo(treaties) kamkhaibo di haye.karai gasu aliu naga mai si khengrang thiujiu lungbm niu bo e chiujiu NSCN dinneh.

Sikumjiu British dungniu aliutu phutlujiu tadmi ra boga Nkhamhiu 14,1947 bonai Naga mai Khengrang thiumideh chiubo din madumibo e.

British dungniu aliu naga mai kadi phutlujiu tadmibo ga aliu Naga mai kadi tu Myanmar khat di India mainiu aliu Ram aliu di asutlujiu aliutu kasamai maleng madam khaijiu aliu gu leader dung chamai kakeng tu minmibo we. Chakehiu 17,2019 ga Ladpui Alemla Jamir NSCN/GPRN gu cabinet Minister tu New Delhi airport (T-1) ga minlu kabangky ga khaimibo sidi khat e.

“Ningtingbo niu chakhuang thiubo phungwang-e, chiudi malum daolak maira ka-nchumbo npuiga tadbambo-e.KADINCHAM 13:15

Rabri Devi tu chakam piraleng kadi charam khoibo gu tathu lamga CBI niu paky ga wangjiu chalad maniu mideh



Patna,Kanah 6:

Mennai Central bureau of Investigation(CBI) officials dung niu masong Bihar gu Chief Minister phungkhai bo Pui Rabri Devi tu pakyga wangjiu Indian railway catering and tourism Corporattion (IRCTC) gu scam case lamga chalad maniu khaimideh.

Haibo tathu si Lalu Prasad niu 2004-2009 ga Railway minister thiubam ting chakam pira kadi charam khoibo maksai pakidung mai leng jonkhaibo gasu we.CBI dung niu Rabri Devi tu chalad maniubo ting Bihar gu Deputy Chief minister Tejashwi Yadav khatdi Forest and Environment Minister Tej Pratap Yadav di wangbo e. khatdi Rabri Devi's gu Lawyer di jou bo-e.CBI office ga Rabri devi tu kuwang lujiu chalad maniu san lansuneh chiujiu dinneh

Karehiu 27 bonai Delhi gu ladjanky niu karai ga railway minister thiukhaibo Lalu Prasad,pakipui Rabri Devi khatdi chamai khang 14 tu madam khaibo land for-job scam case lamga su summoned kamkhaimibo we. Sichiujui Special Judge Geetanjali Goel niu kanahiu 15 masong ga pamou madam khaimi mai dungtu ladjanky ga wangra kukhai mibo e.

Mathen Cham

Liverpool niu Manchester United tu 7-0 ga ngam ludeh

Liverpool,kanah 6:

Nidnai Liverpool Fc khatdi Manchester United niu Anfield ga English Premier League mathenbo ga Liverpool niu 7-0 ga ngamlumideh siga Cody Gakpo, Mohamed Salah khatdi Darwin Nunez paliuniu Goal Nia(2) jam chan khai ye. Liverpool tuhoi premier league gu points table ga 5th tad bam me,

Gaililong-Khumanlampak ga aliu gu paper hai dou lu ne



Tamei Area ga Lung bam mai-khuga kheng khai bo

Tamei,Kanah.8

Jio fibre riang haisi tamei oil pump gasu chiang village katang si maluan nia kam tap tang mene, siniu public mai khatdi CSO's nkiujiu nam puijiu khu ga haisi phui khai ra kheng khai ye.haisi kalang bolung ga phui khai khe ra jeng niu urgent thiu jiu kheng khai bo yeh.thuan kiu ye

Romel Kipgen Inchangre jio fibre tamei

S a l h o u t o n o u Kruse:Nagaland ga npui mai Rai kachang bo thiujui Cabinet bam doumideh


Kohima,kanah 8:

Tingcum 58 yr tingmibo ladpui Salhoutonou Krus niu Nagaland ga raithubo npuimai thiujui cabinet minister doumideh. Salhoutonou si NDPP candidates thiujui voters 7 ganiu independent Candidate keneizhakho Nakhro tu western Angami seat ga ngamlu mibo e.“Salhoutonou niu nagaland gu minister bam npuimai thiujui rai kachang bo doulo bo kum Oath taking kamlubosai , “ Ehniu Rapiu Tingwang tu thonkiu-e. Achun wibokum ehdi amai dinglen changam kawi kakeng kamkhai lura matan neh” chiujiu dinpad khai -e.

Imnainla Jamir H.E.R. gu award dao lu ye, Padmi Shri Darkha Duth khu gasu

Jaipur,Kanah.4

Guitar mathen sibo pui,pajan niu Imnainla Jamir, pahai Nagaland gasu ye.Thaikum 2023 gu Hornbill festival gasu pagu national anthem performance haisi national/international level katang viral tad khang jiu,thainai meen Padma Shri Barkha duth khuga su-We The Women Festival ga H.E.R gu Award hai dou lu ye.



Kangpokpi,kanah.8

International women's day(IWD) gu chunwicham haisi Smt.nemcha kipgen,Minister govt.of Manipur khulamsu thainai pikhai ye.thaikum gu theme niu sai “Digital Innovation and technology for gender equality”

Liangmai Orthography

1 . 3 . S I U G I A K (VOWEL)“Chamun khambing makjiu maksai chakhuriang (Vocal Track) ga khamnambo hajiu din pad suibo khon tu siugiak (Vowel) chiu kuwe. Lianglad keng ga siugiak niu pad raibo chaladkeng keng makge. Tuhoi katangbo ga phiudoubou /?/ ronnaye. Haibo khon tu schwa chiuwe, ah kadunbowe (Short Vowel). Example ga, ariak nai chapa chiubo ladjeng ga, ‘ah’ khon kania si ncham makge. Khat niu ‘Heavy Vowel’, khatbo niu ‘Light Vowel’ ye.Lianglad raobo ga, haibo Heavy nai Light Vowel khon kania tu ‘a’ chiubo giak khat ronna niu thin piu bamme. Pahang lam, Alphabet ken rabo Section ga phui sanlo. Kakibo siugiak khon niu tad raibo ladjeng ra dao makge. Siugiak gu Minimal Pairs phui ncham khe.“/i/ - /u//ri/ ‘late’/l ng/ ‘to plant’ /i/ - /e//p / ‘give’ /m n/ ‘catch’/ru/ ‘burn’/l ng/ ‘to live’/p / ‘pluck’ /m n/ ‘swell’“5“/e/ - /o/ /le//ben//e/ - /a/ /ph /“/kep/ /a/ - /u//ka/ /bat//?/ - /a/ /n?-//p?-/ “ ‘ o p e n ’ “ ‘ w e a r (s h a w l) ’ “ ‘ s h o v e l l i n g ’ ‘shot’“‘white’ ‘leech’“/lo/ IMP marker /bon/ ‘gather (as insect on the flower)’“/ph/ ‘talk’ /kap/ ‘cry’/ku/‘call’ /but/‘protruding object/ CL““2Person possessive’ /na/ ‘near’ ‘3Person possessive’ /pa/ ‘curry’“Pariga pikhaibambo Minimal Pairs sai suiuiu aliu lad ga siugiak charok bamme. Paliu sai /?, /a/, /i/, /e/, /o/, /u/. Hai dung tu Monophthong Vowel (Vowel khat pakhon khat) chiu kuwe.

to be contd.

Chalad N-buong

Kapuhmai Lanh- Burma mainiu thinbo chalang situ Kapuhmai Lanh kuye.

>A Newmai Saloon Tamei bazar ga aliu gu paper dao lu ne.

>Agiwangliu Grocery Store ga aliu gu paper dao lu ne

>T-Daimai Hardware store ga aliu gu paper dao lune

>Maipui Shenky shop no.3 stationery ga aliu gu paper dao lune